

**Dr Mahathir Saran China Dan Jepun Contohi M'sia Selesai Pertikaian
Bernama
23 Oktober, 2012**

KUALA LUMPUR, 23 Okt (Bernama) -- Bekas Perdana Menteri Tun Dr Mahathir Mohamad menyarankan kepada China dan Jepun agar mencontohi Malaysia dalam menyelesaikan pertikaian antara kedua-dua negara berjiran itu.

"Jangan berkelahi dan jangan membunuh antara satu sama lain. Malah jika kamu menang, pihak satu lagi tidak akan mengalah. Bila mereka kuat kembali, mereka akan melawan balik," katanya.

Beliau berkata China dan Jepun perlu duduk dan berunding menyelesaikan perbezaan antara mereka.

"Ini cara terbaik untuk menyelesaikan konflik," katanya dalam ucapatama pada simposium 'Dialog Antara Tamadun ke Arah Perdamaian, Keharmonian Kewujudan Bersama dan Kelestarian' di Universiti Malaya di sini Selasa.

Dr Mahathir berkata Jepun dan China adalah pengeluar barangan yang dipasar di serata dunia dan oleh itu jika berperang, ia akan membawa kesan negatif.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=704323>